



**Quæstionum Canonicarum, In Quinque Libros
Decretalium, Tomus ...**

In Librum IV. Decretalium, per viginti, & unum Titulos distributum, De Sponsalibus, Et Matrimoniiis, eorumque impedimentis, ac dispensationibus,

...

Schlüter, Georg

Augustæ Vindelicorum, 1702

§. 2. De Sponsalibus Raptoris cum Rapta.

[urn:nbn:de:hbz:466:1-73058](#)

non autem matrimoniū, &c. 3. mutuo sponſorum conſenſu diſſolvi poſſunt; non autem matrimoniū &c. Ad 4. prob. jam conſtat; nam Sponsalia clandestina de matrimoniō clandestinē contrahendo non ſint irrita propter ſuam clandestinitatem; ſed, quod in eo caſu eſſent promiſio rei illicitæ; cūm etiam, ſi eſſent publicè celebra de matrimoniō clandestinē contrahendo, irrita forent ob eandem cauſam. Igitur tunc ſolum Sponsalia clandestina ex data in objec̄tione ratione prohibita ſunt, quando ſunt de matrimoniō contrahendo clandestinē, ubi talia matrimonia prohibita ſunt; non de celebrando publicè, ac in facie Ecclesiæ. Certum autem eft, quod Sponsalia clandestina non ſint talia, ex quibus neceſſariō, ſeu ex natura rei, vel regulariter, pervenit ad matrimoniū prohibitum, quo ſolo titulo cenfetur medium prohibi- tum prohibito fine; Ergo.

127. Dices. 2. Saltem erit illicitum, iniuria Sponsalia clandestinē. Resp. plures tam ē Canoniftis, quam ē Theologis concedere illatum; imò Cajetanus, & Armilla docent eſſe peccatum mortale. Verius ta- men eft, nullum eſſe peccatum, quia Sponsalia clandestina nullo jure prohibentur. Nec ſine convincenti ratione, dicendum eft, aliiquid ſub mortali prohibitum eſſe, ut doceſt S. Thom. Suarez, & alii, de quibus ſuo loco.

§ 2.

De Sponsalibus Raptoris cum
Rapta.

128. Cū certum ſit, matrimoniū, jure novo Trid. ſeff. 24. de reform. matrim. c. 1. contraictum à Raptore cum Rapta, quamdiu haec in ejus potestate manferit, irritum eſſe; queſtio eft, an etiam ſic irritentur Sponsalia de futuro? affirmatiuam doceſt P. Sanchez l. 7. matr. D. 13. n. 171. ac ex illo P. Robertus König in Tractat. de ju- rematrim. Principium, ac privatōrum, Tit. 7. in 4. Decret. p. 3. §. 5. cum aliis. Negati- vam autem Perez. D. 38. S. 4. n. 8. quem citat, & ſequitur P. Jacobus Wiefner de Canon. imped. Conjug. a. 16. n. 9. Rationes affirmandi ſunt. 1. quia lex etiam correcto- ria, & poenalis, extendi debet, ubi omnino eadem ratio militat; at haec in preſenti reperitur. Nam Tridentinum pro eo

tempore irritavit matrimoniū, ut conſuleret plena libertati ad id requiſita, quae non omnino plena eft, dum Raptā manet in Raptoris potestate; at haec ratio etiam pro Sponsalibus militat, ad quae jura quoque plenam libertatem poſtulan. 2. quia, quod dispositio Trid. licet correctoria ju- ris antiqui, matrimonia clandestina irri- tang, non extendatur ad clandestina Spon- ſalia de futuro, non facit instantiam pro praefenti caſu; ibi enim non eft utrobiique eadem omnino ratio. Nam mori- um adulterii, quod eft in matrimoniō clande- ſtino, cefſat in Sponsalibus clandeſtinis; at in Sponsalibus Raptoris & Raptæ militat eadem omnino ratio, que contra ipſorum matrimoniū; ergo. 3. Quia in ſubor- dinatis, quando eft eadem omnino ratio, dispositio quoad unum afficit etiam alte- rum, quod ad iſum ordinatur.

Sed haec non videntur convincere. 129]

Nam ad 1. Resp. Trans. maj. n. min. 1. Si enim ratio, propter quam Concilium irri- tar matrimonium inter Raptorem & Ra- ptam pro eo tempore, quo eft in ejus po- testate, fit defectus plenæ libertatis, eft illius plenitudinis, quam jura exigunt ad matrimonii valorem; ſed haec plenitudo in Sponsalibus de futuro non requiritur; nam ex communi ſenu Sponsalia de futuro non exigunt libertatis plenitudinem, quam petit matrimonium, eo, quod hoc ſemel validum, nullo humano jure reſcindipof- ſir; ſecundū illa: accedit, quod, conſentire in contraictum jure humano facile reſcindibile, non exigat tantam immunita- tem à vi, & metu, quantum exigit conſen- ſus in contraictum ſemel factum, nouam- plius reſcindibilem.

Deinde principium aſſumptum in mul- tis fallit. Nam dispositio (per quam aſylo Ecclesiæ excluduntur Rei publici la- trocini, depopulationis agrorum, homi- cidii, vel mutilationis membrorum in iſis Ecclesiis, eorumque Cæmeterii, Rei homi- cidii proditorii, aſſassinii, hærefis, ac Rei laſe maſteſtati humanae in iſam perſonam Principis) juxta complures eft diſpo- ſitio correctoria juris antiqui, & odioſa (cūm reſtringat ius aſyli, ſeu favorem Ec- clesiārum, quo protegitur reverentia, & honor Ecclesiis debitus, ne ſint in minori honore, quam olim Ethnicorum aræ, & ſtatuae) & tamen extendi non debet ad alia crimi-

crimina, & casus non expressos, etiam graviores, ex illa quantumcumque gravi causa, ne quidem ob paritatem, seu identitatem, aut etiam majoritatem rationis, ut manifestum est ex constitut. Gregorii XI. V. quæ incipit, cùm alijs nonnulli, editâ a. 1591. Dixi, juxta complures esse dispositionem odiosam. Alii enim rectius dicunt favorabilem; cùm directe intendat favorem, ac reverentiam Ecclesiarum; & tamen, juxta citatam constitutionem non admittit extensionem, ad non expressa.

130. Similiter in c. quanto 7. de Divort. Pontifex consultus à Ferrariensi Episcopo, an altero Conjugum ad heresim transeunte, qui relinquitur, possit ad secunda vota transire? rescribit cum distinctione; & affirmat, si unus infidelium convertitur ad fidem, altero in infidelitate permanente, aut nullo modo illi cohabitare voluntate, aut non nisi cum iniuria Creatoris, vel periculo perversioris; negat autem, si unus è fidelibus labatur in heresim, aut gentilitatis errorem, et si in hoc major appareat contumelia Creatoris, ut ait textus. Et ratio est; quia, cùm tota vis legis, & juris positivi, pendeat à voluntate legislatoris ex iusta ratione procedentis in tali casu, identitas rationis bene concludit, etriam alterum (in quo est eadem omnino, vel major ratio) aquæ dignum esse proibitione; non autem, ex eadem esse actum proibitum, nisi proberetur voluntatem legislatoris ex illa motu, tam pro hoc, quam pro illo prohibendo, ut patet in casu prius allato. Et ideo Barbosa in tr. Locor. com. argum. à loco 68. n. 3 (licet admittat valere argumentum à majoritate, vel paritate rationis etiam in correctoriis ad declarandum dubium) negat valere in iisdem ad extendendam dispositionem; nisi casus non expressus contineatur sub universali, ex qua est i'latio necessaria ad particularia sub ea contenta, ut dicemus infra.

131. Ad 2. rationem Resp. ex ipsa disparitate ibi assignata confirmari valorem Sponsalia raptoris, & raptae; nam nec in his invenitur eadem ratio, quæ in matrimonio raptoris, cum rapta, ut dictum est n. 129. Sponsalia enim de futuro non exigunt tantam libertatem, quam tam matrimonium; ergo licet raptus impedit libertatem matrimonio necessariam, male hoc titulo arguitur ad mera Sponsalia de futuro. Ad 3.

rationem affirmandi, responsio constat ex n. 128. ad summum enim procedit, quando illud subordinatum dicit ad id, cui subordinatur, illicite, ac invalidè faciendum; v. g. ad matrimonium cum Raptore celebrandum, dum rapta est adhuc in Raptoris potestate. Cùm autem fieri possint eo tempore Sponsalia de celebrando matrimonio tunc, quando Raptus fuerit in loco tuto, & extra potestatem ejus, non est, unde illa Sponsalia invalidentur. Accedit, quod in hoc casu non sit eadem omnino ratio de matrimonio, & Sponsalibus contractis à Raptore cum Raptis, dum hæc est in potestate Raptoris, ut constat ex dictis.

§. 3.

De Sponsalibus contractis absque consensu Parentum.

Questio est de Sponsalibus tam de praesenti, quam futuro, & quidem solum, an sint valida, taliter celebrata. Resp. certum esse, matrimonia à filiis familias sine consensu Parentum contracta, vera, & rata esse ex Trid. Seff. 24. de reform. matrim. c. 1. ubi affirmatio in contrarium (quid nimur irrita sint, vel parents ea rata, vel irrita facere possint) falsa dicitur; adeoque improbabilis est posicive. Ex quo idemcluditur de Sponsalibus de futuro; cùm & hæc mutuo, liberoque consensu contrahentium constent, nec eo titulo sint promissio rei illicitæ, nisi sint de celebrando matrimonio in certis casibus, ubi præterito parentum consilio id non licet; de quibus infra. Ad valorem igitur Sponsalium, vel de futuro, vel de praesenti, non requiriatur voluntarium dependens à consensu parentum, vel eorum, qui loco parentum contrahentibus sunt; quod etiam expressè habetur in c. Cum Virum 12. de Sponsalibus, ubi dicitur: quod puella (in matrimonio spirituali, seu susceptione statutis religiosi) in etate jam nubili constituta (quia liberum habet arbitrium) in electione proposti, scilicet parentum non cogatur voluntatem. Ex quo colliges, ad Sponsalia sive de futuro, sive de praesenti, necessarium esse consensum personali Sponsorum, vel per se, vel per alium ad hoc specialiter constitutum.

Si